



Inatsisartunut ilaasortaq
Jens NapātôK', Naleraq

CO₂-mik aniatitsineq aamma eqqagassalerineq pillugit § 37 naapertorlugu apeqqummut nr. 224-2025-mut akissut

Asasara Jens NapātôK'

Inatsisartut sulerisaasianni § 37 imm. 1 naapertorlugu CO₂-mik aniatitsineq aamma eqqagassalerineq pillugit Naalakkersuisunut apeqquteqarsimavutit. Apeqqutit uannut akisassanngorlugit innersuunneqarput.

- 1. Nuna tamakkerlugu eqqakkanik aqutsinissamut pilersaarut, silami ikuallaanermik matusinissamik imaluunniit annertuumik killilersimaarneranik aamma nakkutigineqartumik ikuallaanermik, nukissiuuteqarnermut aamma/imaluunniit eqqakkat nunatta avataani suliarineqarnissaannut avammut tunineqartarnerannik imaqtartumik, Naalakkersuisut naliliineratigut Kalaallit Nunaanni CO₂-mik aniatitsinerup malunnaatilimmik appartinneqarnissaanik kinguneqassava?**

Akissut:

Eqqakkanik suliaqarnermut atatillugu CO₂-mik aniasoqartillugu kisitsisit eqqortut paasissutissallu eqqakkanik suliaqarnermut atatillugu Kalaallit Nunaat tamakkerlugu CO₂-mik aniatitsinerumut misissueqqissaarnissamut atorneqarsinnaasut amigaatigineqarput.

Ikuallaavinnik nutaanik marlunnik pilersitsiniarnermi assartuinermillu aaqqiisummi CO₂-mik aniatitsineq tunngavigineqanngilaq, kisiannili dioxinik avatangiiisnullu peqqissutsimullu akornutaasinnaasunik aniasoqarnissaanik annikillisisinissaq kissaatigineqarpoq.

Nutaanik marlunnik ikuallaavinnik pilersitsiniarnermi eqqagassanik passussiner-mi pitsaasumik, avatangiiisnut peqqissutsimullu illersorsinnaasumik, aammalu eqqakkat atueqqinnikkut, soorlu nukissiuuteqarnermut allanullu pitsaanerpaamik atorneqarnissaat il.il. qulakkeerneqarnissaat siunertaavoq.

Taamaattumik ikuallaaviit taakkua nutaat marluk, kissarnermik eqqagassanik ikuallaanermi pisumik atorluannissaq qulakkeerinneqataaffigaat. Eqqagassat ikuallanneqarsinnaasut siornatigornit pitsaanerusumik nukissiuuteqarnermi atorluarneqassapput. Assersuutigalugu Sisimiuni ikuallaavik Nukissiorfiit ungasissu-miit kiassaaneranut kissarnermik 22 mio. kr. nalinga tikillugu tuniussissasoq

Allakkap ullua: 09-01-2026
Suliap normua: 2025 - 26755
Allagaatip ilisarnaataa:
26076401

Postboks 1614
3900 Nuuk
Oq.: (+299) 34 50 00
Fax: (+299) 34 54 10
E-mail: pan@nanoq.gl
www.naalakkersuisut.gl

naatsorsuutigineqarpoq. Eqqakkanik ikuallaanermi kissarnermik atuinnermi Sisimiuni ungasissumiit kiassaanermi uuliamik atuineq annikillisinneqassaaq.

Ikuallaavinnik nutaanik marlunnik pilersitsinnermi tunngavissatut pingaarnepaaq tassaavoq, pitsaasumik eqqakkanik suliaqarneq, avatangiisinut peqqissutsimullu illersorneqarsinnaasoq. Taamaattumik Naalakkersuisut naatsorsuutigaat, dioxin-inik allanillu avatangiisimut peqqissutsimullu ajoqutaasinnaasunik aniatitsinerup annertuumik annikillinissaa.

Eqqakkanik ikuallaanermi ilaatigut dioxin pilersinneqartarpoq. Taamaattumillu dioxinip aniatinneqarnerata minnerpaafigissaaniitinneqarnissaa kissaatiginarpoq. Piffissap sivisuup ingerlanerani dioxinit annikitsukkuutaarlugit pisarneranni, timip nappaammut akiuussutissaata appariaateqarneranik, kinguaassiorsinnaanerup apparneranik, kræfteqalernissamut qaninnerulernermik kiisalu naartup ajoqusersinnaaneramik kinguneqartitsisarpoq. Taamaattumik ikuallaaviit taakkua nutaat marluk teknikikkut atortunik pitsaanerpaanik mingutsitsinissamullu annikillisaatinik atortulerneqarsimapput.

Naalakkersuisut ikuallaaviit taakkua marluk avatangiisitigut akuerisimavaat. Eqqakkanik ikuallaaviit avatangiisinut akuersissutigineqarneranut ilaatigut teknikip pissarsiarineqarsinnaasup pitsaanerpaap BAT-ip atorineqarnissaa tunngavigineqarsimavoq. Assersuutigalugu ikuallaaviit nutaat annerpaamik 0,1 ng dioxin/Nm³/time aniatitsisussaapput. Nunaqarfinni ikuallaavinni pisoqqani uutortaanermi uuttorneqarsimasut malillugit dioxinimik aniatitsineq ullumikkut akuerineqarsinnaasumit 2000-riaammik annertuneruvoq. Ikuallaavinni ammasuni mingutsitsineq nunaqarfinni ikuallaavinnit pisoqqanit aniatitsinertut annertutigisutut imaluunniit annertunerusutut nalilerneqarpoq. Ikuallaavinni ammasuni dioxin-inik aamma arortinneqarsinnaanngitsunik ajoqutaasinnaasunik allanik aniatitsineq avatangiisinut peqqissutsimullu akuerineqarsinnaasunit annertunerujussuuvoq. Taamaattumik ammasunik ikuallaaneq nakkutigineqanngilaq mingutsitsinerlu avatangiisimut eqqaaniittumut siaruartarluni.

- 2. Eqqakkat atortullu umiarsuartigut assartorneqartarnerulissappata – assersuutigalugu timmisartukkut assartuineq imaluunniit nunaqarfinni isorliunerusunilu ikuallaavik taarsiullugu – Naalakkersuisut naliliineratigut CO₂-mik aniatitsinerup apparnissaa ilimanaateqarpa, umiarsuarnik atorineqartartunik ikummatissamut atuisarneq eqqarsaatigalugu?**

Akissut:

Apeqqut 1-mut akissut takuuk.


- 3. Kalaallit Nunaanni CO₂-mik aniatitsinerit ukiut qulit kingulliit ingerlaneranni qanoq allanngorsimappat, aamma pingaarnernut –**

pingaartumik angallannermut, eqqagassanut ikuallaavimmut – agguataarnerat?

Akissut:


Kalaallit Nunaata naatsorsueqqissaartarfianit paasissutissat 2014-miit 2023-mut kisitsisit takutippaat, taakkulu ataani takussutissami takuneqarsinnaapput. 2024-mut aamma 2025-mut paasissutissat sulii maannakkut pissarsiarineqarsinnaanngillat.

Grønlands samlede emission af drivhusgasser efter sektor og tid. Samlet emission.



Kilde: United Nations (UNFCCC) - Den årlige emissionsopgørelse til UNFCCC

Grønlands samlede emission af drivhusgasser efter sektor og tid. Samlet emission.



Kilde: United Nations (UNFCCC) - Den årlige emissionsopgørelse til UNFCCC

	2014	2015	2016	2017	2018	2019	2020	2021	2022	2023
Gassimik silaannarmik kissattoortitsissusamik aniatitsineq tamakkiisumik										
Gassimik silaannarmik kissattoortitsissusamik aniatitsineq tamakkiisumik	538.905	583.970	546.265	572.351	560.375	564.852	590.654	587.742	629.819	651.717
1. Nukimmik atuineq	502.196	547.614	509.113	535.941	523.735	525.986	549.499	546.363	587.514	609.253
1.A Nukissamik pilersuineq atortussiaannillu ujaasineq	99.665	114.842	95.840	98.910	102.816	95.885	101.969	103.039	100.112	107.013
1.B Sanaartornikkut suliffeqarfik	33.501	37.742	33.084	37.553	37.160	38.222	46.237	47.800	60.248	71.478
1.C Assartuineq	82.998	93.018	93.814	108.621	96.772	93.055	90.246	90.970	109.653	114.022
1.D Immikkoortut allat	286.031	302.012	286.375	290.857	286.988	298.824	311.048	304.553	317.502	316.739
2. Suliffissuaqarnermi atortussiasat kemiimi akulerunnerat	10.066	10.587	10.704	10.820	10.714	12.162	13.802	13.742	12.926	12.236
2.A Ikummatissat arrorsaattillu nukissiuutitut atungassiaangitsut	807	814	698	720	911	886	746	662	718	691
2.B Alla	9.259	9.773	10.006	10.100	9.803	11.277	13.056	13.080	12.207	11.544
3. Nunalerineq	9.696	9.074	9.282	8.718	8.671	9.184	9.409	9.604	11.306	11.946
3.A Uumasuutit nerisaminnik arrorsaanermini aniatitsinerat	7.241	6.822	7.056	6.919	7.063	6.919	7.027	7.054	6.885	6.744
3.B Naggorissaattissaq	883	828	859	841	860	841	855	859	836	818
3.C Nunaatit uumassuillit	1.572	1.424	1.368	959	748	1.425	1.527	1.692	3.585	4.385
4. Eqqakkanik aqutsineq	15.730	15.567	15.970	15.611	16.071	16.247	16.610	16.639	16.711	17.019
4.A Eqqakkanik nunamut inissiineq	5.394	5.374	5.356	5.339	5.324	5.313	5.305	5.299	5.295	5.290
4.B Imikoorummik aqutsineq	4.360	4.222	4.628	4.250	4.681	4.829	5.161	5.153	5.195	5.480
4.C Allanik sanaartorneq	5.976	5.971	5.986	6.023	6.066	6.105	6.144	6.187	6.220	6.249
5. Nunatamik atuineq nunatamik allannguineq orpippassuamillu atuineq	1.218	1.127	1.196	1.259	1.183	1.272	1.334	1.393	1.362	1.264
5.A Nunatat orpippassuallit	1	-2	-5	-8	-11	-14	-17	-21	-25	-29
5.B Nunataq alla	1.217	1.128	1.201	1.267	1.194	1.286	1.352	1.415	1.387	1.293
	2014	2015	2016	2017	2018	2019	2020	2021	2022	2023
Gassimik silaannarmik kissattoortitsissusamik aniatitsineq tamakkiisumik										
1.C Assartuineq	82.998	93.018	93.814	108.621	96.772	93.055	90.246	90.970	109.653	114.022
4.C Allanik sanaartorneq	5.976	5.971	5.986	6.023	6.066	6.105	6.144	6.187	6.220	6.249

- 4. Naalakkersuisut eqqagassanut aamma assartuinnermut politikkiat tunuliaqutaralugu - Kalaallit Nunaanni CO₂-mik aniatitsinerup ukiut qulit tulluuttut ingerlaneranni allannguuteqannginneranut naleqqiullugu Naalakkersuisut qanoq innissaanik nalilerpaat?**
- a. Nuna tamakkerlugu eqqagassat suliarineqartarneranut pilersaarut tunngavigalugu, eqqagassalerinnermi aamma assartuinnermi suut kinguneritinneqartussatut naatsorsuutigineqarpat?**

Akissut:

Pinngortitamut Avatangiisinullu Naalakkersuisoqarfik nuna tamakkerlugu silap pissusaanut periusissiuuleruttoq. Kalaallit Nunaanni innuttaasut suliffeqarfiillu peqataatinnerisigut tamanna ingerlanneqarpoq. Paasissutissanik pingaartitsinis-

saq periutsip ilagaa, tassami naatsorsueriaatsit piusut pitsanngorsarneqarnissaat aammalu gassinik kissaattoorutini aniasitsineq pillugu silap pissusaanut siumut naatsorsuusiornissat aamma isiginiarneqartussaammata.

Nuna tamakkerlugu silap pissusaanut suleriuseqarnermi siunertaavoq Kalaallit Nunaata Parisimi isumaqatigiissut naapertorlugu silap pissusaanut iliuusissatut pilersaarummik suliaqarnissaa, taanna taaneqartarluni nationally determined contribution (NDC), tassanilu nassuiarneqarpoq nunaq qanoq gassimik kissaattoorummik aniatitsinermut annikillisaassasoq silaannaallu allanngoriartorneranut naleqqussarluni. NDC Parisimi isumaqatigiisummi nunamit ilaasortanit ukiut tallimakkaarlugit nutarterneqartarpoq, pilersaarutaavorlu 2030-mi Kalaallit Nunaata siulleq tunniutissagaa. NDC suliarineqareerpat, Kalaallit Nunaanni ukiuni tulluuttuni qulini CO₂-mik aniatitsineq qanoq ineriartornersoq naatsorsorneqarsinnaalissaaq.

Inussiarnersumik inuulluaqqusillunga
Med venlig hilsen



Peter Borg